

夢占類考

夢占類考序

夫為夢之說者曰想曰因而已所謂想者以形神相接而言者謂之夢飲饑之夢食是也所謂因者以形神不相接而言者陰壯夢水陽壯夢火是也華胥之遊可以觀想餽饌之夢可以觀因然神孫穆見牛之類於牛未至之前曹人得公孫彊之名於彊未生之日則不可盡歸之想亦不可盡歸之因有想多因以相死因無因

世想河因兆杰因與想相系而鈞之在心之初
也故儒先以為從心若如夢又以為夢寐卜
心與子之沛深豈惟字哉其敗書錢皆言可以
夢而卜者河也勅求四體善不善可先志知
為四體之求求夢也者心之機勅之微而吉凶
之先見者也心發於機微於夢機為善惡
夢分吉凶以機觸機之皆先覺是故兩作致
為夢商化能夢周以戒陟而周禮大卜夢之

汲冢之書其來邈矣而瑣語十一篇諸國之卜
夢與焉漢藝文志七略首卜夢其說以衆占
此一而夢為大甚矣夫占之於夢良於夢也迨
至魏晉代名名家沿及宋元無復留意甚矣
狡僧於藉肆者托名於周公孔子之於周公
蓋嘗夢之是公則未嘗有夢也矧有夢乎而
奚傳哉傳不於周禮而所有一書名是哉且夢
君地同而殊寐者亦有地殊而寢同者乃刻舟

而求雷燠之劍鏢柱而較湘靈之瑟是讀周宣
於父書激管軻於緒論立趙直於斷晉坐宋
壽於孫編將以稽疑而教益生將以辨惑而惑
滋甚又安能因黃熊而復夏祀緣青蠅而發
昌邑哉不佞曩年大病醫工欽手以救苦多為
愈乃惟先哲之秘術雖之生傳而已雖之陳詒
可以考見於是原始六經歷稽諸史系之羣
籍旁及釋家云於時之遠近人之華裔凡

有徵於夢者因不擇而採焉命之曰夢占類
考比類而泛多且牒目則耶法於測向之泄範
耳新傳悉紀錯繆適於事用則取濫於王景
之大衍玄聖差有稽實待虛之意不世援
古証今之益引而伸之觸類而長之庶幾成
衛玠見莊而無莊索飲無弓而足書無任
求夢記於華陽而夢可卜也其乃夢凶
而得吉蓋又吉而得凶則休咎無常教肆不

一名存年老人耳

萬曆乙酉春日凌虛外史張鳳翼書

夢占類考凡例

一詩云訊之占夢漢藝文志以爲衆占非一而夢爲大故曰夢占

一門類部分部內復自有分如天象日先於月人身首先於肩之類類中方以世代先後列之其世代不相遠者則先正史而後稗家

一每類俱以得夢者年代爲次序惟聖賢部則以所夢聖賢爲次序不在此例云

一夢本虛幻苟無考覈益歸繆悠故惟六經二十一史六子則直錄之或節略餘稗家卽有去取至宣淫不根之

說雖有顛末亦皆不收

一夢有似凶而實吉者有似吉而實凶者有在此則吉而
在彼則凶者猶易之悔吝及大人吉小人否與小人勿
用之類占夢者當自得之

一芻狗鴛瓦赤犬化龍之類雖非實夢亦由想因且紀載
可據故特存之

一夢後有斷語或因史冊舊文如王劭詭對之類則大書
或採後人之論附之如胡氏論侯景之類或附以愚見
如論陳子高採文帝之類則皆分行細書

一凡夢者多以姓名或以爵諡一因舊文惟本朝者不

敢直書其名故姓下間以爵如某尚書某之類至若識面或師或友或交知先世則於姓下稱公或稱先生然後紀其名云

一古人詩詞或實紀夢且考其歷履似有默兆乃錄之不槩取也

一本朝諸事亦俱採之吾學編 皇明通紀 明興雜記孤樹褒談野記諸書皆先此已刊行者非徒得之談說而已

一一夢而有分見兩門者如鄧通一事在天象部則取諸史記在帷服部則取諸漢書之類其詳略亦不同故不

嫌重複也其他則但云詳某部某人云

一夢有符於面談者必其人可信其夢已驗方紀之然亦存什一於千百耳不敢泛也已夢有奇驗者僅附一二

凡例

畢

夢占類考目錄

第一卷

凡三部

天象

地理

聖賢

第二卷

凡二部

人身

彛倫

第三卷

凡二部

飛鳥

走獸

第四卷

凡四部

鱗介

昆蟲

品物

飲食

第五卷

凡三部

棟宇

成器

川車

第六卷

凡四部

帷服

純綺

珍寶五金醫藥

第七卷

凡三部

爵祿

旂常

名姓

第八卷

凡二部

文翰

音樂

第九卷

凡四部

燈火

什百

呼召

虔劉

第十卷

凡二部

陵墓 英靈

第十一卷 凡二部

冥感 輪廻

第十二卷 凡三部

黃冠 緇流 說夢

萬曆乙酉孟夏
信陽王氏梓行

夢占類考卷一

天象部

天
上天

帝堯受封於唐為諸侯嘗夢上天故二十而登帝位帝王世紀

飴天

成湯夢及天而飴之後伐桀有天下漢書

天壓已

初穆子去叔孫氏及庚宗

穆子叔孫豹也成十六年避僑如之難奔齊庚宗魯地也遇

天象

卷之一

三才圖會

婦人使私為食而宿焉問其行告之故哭而送之適齊娶

於國氏生孟丙仲壬夢天壓已弗勝穆子夢也顧而見人黑而

上僂深目而緞喙號之曰牛助余乃勝之旦而皆召其徒

無之且曰志之及宣伯奔齊穆子饋之宣伯即叔孫僑如穆子之兄也宣

伯曰魯以先子之故將存吾宗必召女魯人果召之既立

魯召穆子立為卿所宿庚宗之婦人獻以雉問其姓對曰余子長

矣能奉雉而從我矣召而見之則所夢也未問其名號之

曰牛曰唯皆召其徒使視之遂使為豎有寵長使為政於

是國姜之子孟丙仲壬長矣使逆之逆諸齊田於丘薊穆子敗也

遂遇疾焉豎牛欲亂其室而有之強與孟盟不可使拘而

殺諸外牛又強與仲盟不可逐之奔齊疾急命召仲牛許

而不召杜洩見

杜洩叔孫氏宰也

告之飢渴牛弗進則置虛命徹

十二月癸丑叔孫不食乙卯卒牛立昭子而相之

昭子穆子之庶

子叔孫姑也左傳

負公登天

初晉侯夢大厲問桑田巫巫言不食新矣

新新也

至六月丙

午晉侯欲麥使甸人獻麥饋人為之召桑田巫示而殺之

將食張

張去聲腹滿也

如廁陷而卒小臣有晨夢負公以登天及

日中負晉侯出諸廁遂以為殉

此晉景公也左傳

推上天

鄧通以灌船爲黃頭郎孝文帝夢欲上天不能有一黃頭
郎從後推之上天顧見其衣袈帶後穿覺而之漸臺以夢
中陰目求推者郎卽見鄧通其衣後穿夢中所見也召問
其名姓姓鄧氏名通文帝說焉尊幸之日異通亦愿謹不
好外交雖賜洗沐不欲出於是文帝賞賜通巨萬以十數
官至上大夫

史記

捫天

和熹鄧皇后太傅禹之孫也嘗夢捫天蕩蕩正青若有鍾
乳狀乃仰嗽飲之以訊諸占夢言堯夢攀天而上湯夢及
天而飮之斯皆聖王之前占吉不可言永元七年后與諸

家子俱選入宮八年入掖庭爲貴人時年十六恭肅小心
動有法度帝深嘉焉十四年夏陰后以巫蠱事廢至冬立
爲皇后元興元年帝崩殤帝生始百日后乃迎立之尊后
爲皇太后太后臨朝及殤帝崩太后定策立安帝猶臨朝
臨朝十載水旱頻仍四夷外侵盜賊內起而每聞人饑或
達旦不寐躬自減徹以救災阬故元初以後天下復平歲
還豐穰在位凡二十年

漢書

一木破天

王敦舉兵內向次于湖許遜與吳君同往上謁興說止之
時郭璞在幕府乃因璞與俱見處仲喜延之飲而問曰予

夢一木破天君等以爲何如遜曰非嘉兆也吳君曰木上破天未字也公未可妄動敦不聽以至於敗

晉書

豎竿中天

張斌當舉孝廉夢豎竿中天索統曰此未字也斌果停

史

天門開

薛安都征關陝至白口夢仰頭視天正見天門開謂左右曰汝見天門開否及宋世祖踐祚以公封南鄉縣男乃歎曰夢天開乃中興之象邪

南史

帝騎上天

武士彠自言嘗夢帝騎而上天帝笑曰爾故王威黨也

史

夢天詩

老兔寒蟾泣天色雲樹半開壁斜白玉輪
軋露濕圓光驚珮相逢桂香陌黃塵清水
三山下更變千年如走馬遙望齊州九點
烟一泓寒水杯中瀉

李賀集玩詩意
已兆白玉樓事

天門九重

詳人身部陶侃

抱子升天

詳彛倫部宇文泰

乘龍昇天

詳鱗介部唐宣宗

捧天

詳人身部韓魏公

日月

日月着身

周文王夢日月着其身

帝王世紀

日月入懷

孫堅吳夫人孕而夢月入其懷既而生策及孕權又夢日入其懷以告堅曰昔妊策夢月入我懷今也又夢日入我懷何也堅曰日月者陰陽之精極貴之象吾子孫其興乎

搜神記

日月入懷

詳鱗介部簡文帝

車中載日月

詳舟車部鄭光

日
日入懷

孝景王皇后武帝母也內太子宫夢日入其懷以告太子
曰此貴徵也七月七日生男於猗蘭殿是爲武帝

漢書

負日而行

王美人趙國人也以良家子應法相選入掖庭時靈思何
皇后性彊忌後宮莫不震懾美人有娠畏后乃服藥欲除
之而胎安不動又數夢負日而行光和四年生皇子協后

遂鳩殺美人協養於董太后靈帝崩皇子辯卽位董卓將兵入洛陽廢辯爲弘農王而立協是爲獻帝

漢紀

日環其城

王敦將舉兵內向明帝密知之乃乘巴滇駿馬微行至於湖陰察敦營壘時敦正晝寢夢日環其城驚起曰此必黃鬚鮮卑奴來也蓋帝母荀氏燕代人帝生類外氏鬚黃故敦云云

晉書

乘龍上天逐日

南齊主蕭道成年十七時嘗夢乘青龍上天西行逐日後受宋禪云

南史

抱日

梁武帝蕭衍以宋大明元年生于秣陵先是皇妣張氏嘗夢抱日已而有娠遂產帝

南史

大小二日鬪

陳文帝夢大小二日鬪大者光滅墜地色正黃其大如斗帝三分取一懷之

南史按當時經侯景之亂分崩離析帝之繼統僅得三分之一似亦與夢符云

爲日所逐避牀下

北魏世宗母高夫人初夢爲日所逐避於牀下日化爲龍繞已數匝寤而驚悸遂有娠是生世宗於平城宮

北史

日入懷

劉淵張夫人懷孕夢日入懷寤以告淵淵曰此吉徵也慎勿言十五年而生聰焉

北史

抱日而歸

閻英以外戚寵任歷官至平州刺史被徵入朝夢日墜其所居黃山下水中村人以車牛挽致不能出英獨抱載而歸聞者異之後族子貞及伯夫等共爲飛語誣謗朝政坐族孝文以明太后故罪止一門英竟獲免

北史

吞日

毛貞輔累爲邑宰應選之廣陵夢吞日既寤腹猶熱以問

侍御史楊廷式楊曰此夢至大非君所能當若以君而言
當得赤烏場官也果如其言

稽神錄

捧日授已

宋杜太后夢神人捧日授已而有娠遂生太宗

宋史

日輪逼已

元德李后歸宋太宗夢日輪逼已承以裾光耀遍體驚寤
是生真宗

宋史

四日並出

宋徽宗在燕山謂閣門宣贊舍人管幹龍德宮曹勛曰我
夢四日並出此中原爭立之象不知中原之民尚肯推戴

康王否因出御衣絹半臂親書其領中曰便可卽真來救
父母

通鑑綱目

日出雲捲

元歸暘將生其母楊氏夢朝日出東山上有輕雲來捲之
故名之曰暘暘學無師傅而精敏過人登至順元年進士
第歷官至集賢學士有強幹聲且多建白爲元末名臣云

日光白牕中

詳棟宇部文昭皇后

日光射身人授筆

詳文翰部楊奐身

日出室內

詳棟宇部拓跋珪

日精服之生貴子

詳鱗介部劉豹

兩日在水下

詳走獸部苻融

日入臍中

詳人身部慕容德母

陟山捧日

詳地理部楊炎

月射月入泥

鄢陵之戰晉呂錡夢射月中之退入於泥占之曰姬姓日也異姓月也必楚王也射而中之退入於泥亦必死矣及戰射其王中目王召養由基與之兩矢使射呂錡中項伏殺以一矢復命

左傳

月入懷

王禁妻李氏任政君在身夢月入其懷及壯大婉順嘗許嫁未行所許者死後東平王聘政君爲姬未入王薨禁獨怪之使卜數者相政君當大貴不可言禁心以爲然迺教書學鼓琴五鳳中政君年十八矣入掖庭爲家人子歲餘

會皇太子所愛幸姬死宣帝令皇后擇後宮家人子可以
虞侍太子者使掖庭令送政君太子宮見內殿得御幸有
身甘露三年生成帝於甲館漢書

月墮懷中

梁阮脩容夢月墮懷中因而有娠是生元帝梁書

月入懷

北齊婁太后孕魏二后竝夢月入懷北史

吞月輪

京兆尉遲裴氏夢掌月輪吞之寤而有孕是生神僧窺基

爲慈恩教宗神僧傳

月宮

玄宗嘗坐朝時以手指上下按其腹朝退高力士進曰陛下向來數以手指按其腹豈非聖體小不安耶玄宗曰非也吾昨夜夢遊月宮諸仙娛余以上清之樂流亮清越殆非人所聞也酣醉久之合奏清樂以送吾歸其曲淒楚動人杳杳在耳吾向以玉笛尋盡得矣坐朝之際慮或遺忘故懷玉笛時以上下尋之非不安也力士再拜賀曰非常之事也願陛下爲臣一奏之上試奏其音寥寥然不可名也力士又奏拜且請其名上笑曰此曲名紫雲迴載於樂章太常刻石在焉

開元傳信記

挾入月中

何仲舉母嘗夢挾之入月中尋登後唐長興進士

月入懷

宋劉后母龐氏夢月入懷有娠是生后

月中有花

元月魯不花就試江浙鄉闈中選右榜第一方揭曉試官
夢月中有花已而果符其名及登元統元年進士第數歷
中外頗著聲績後死倭難獲贈典謚忠肅

星

履衆星

高歡嘗夢履衆星而行覺而內喜後果代魏

北史

星墜壓脚

陳奇初被召夜夢星墜壓脚明日告人曰星則好風星則好雨夢星壓脚必無善徵但時命峻切不敢不赴耳竟以造謗書見枉致大戮

北史

長庚星

李白母方娠夢長庚星入懷故名白字太白

流星入口

唐葉法善母夢流星入口吞之乃孕十五月而生法善後遇神人擅道術高宗徵至京授上卿不拜請度爲道士

伍喬星

伍喬居廬山詩調清苦山中浮屠夢一大星旁有人指曰
此伍喬星也後首舉進士南唐書

流星墮地

吳鄂帥王璵少爲小將從軍圍潁州夜夢道士告之曰但
有流星墮地能避之當至將相明日衆軍攻城城中矢石
如雨璵仗劒倚柵木而督戰俄有大石正中其柵木及璵
鎧甲之半皆縻碎而璵無傷因歎曰流星正爾耶由是自
負卒至大官稽神錄

大星墜懷

黃潛母童氏夢大星墜于懷乃有娠歷二十四月始生潛

潛生而俊異比成童授以詩書不一日成誦迨長以文名
於四方中進士第歷官多善政以清風高節名壽八十一
封江夏郡公謚文獻

元史

文昌星

呂思誠母馮氏夢一丈夫烏巾白襪衫紅鞵束帶趨而揖
曰我文昌星也及寤遂生思誠思誠目有神光見者異之
後數歷中外言論風旨政事俱有聲官至國子祭酒中書
左丞謚忠肅

元史

授以大星

小雲石海涯其父楚國忠惠公名貫只哥故小雲石海涯

遂以貫爲氏別號酸齋卽藝苑所稱貫酸齋是已其母廉氏夢神人授以大星使吞之已而有娠是生酸齋酸齋生而神彩秀異十三膂力絕人能持輦騰跨惡馬挽強射生稍長折節讀書目五行下吐辭爲文出人意料襲祖父爵不久讓其弟及拜官禁近又能抗疏論事已而辭疾解組依隱玩世爲勝國名流云

元史

星墜臥內

曾學士鶴齡母胡氏夢星墜臥內感而生鶴齡至永樂辛

丑狀元及第

狀元錄

一星搖動隕地

何學憲景明將發大梁之夕夢一星搖動隕地其光上發厥明有報高夔州疾甚者及何至高蓋亡一日矣

何氏集

月星雲霞

興化宗比部內有娠夢月星雲霞上人曰是有子也而文已而生學憲臣少年成進士高第政績詩文爲海內所推卒於閩祀名宦

志狀

斗間氣傳體

常熟陳氏譚母夢斗間氣下傳體遂娠生子察舉進士爲監察御史歷官至僉都御史以直節稱享年八十三

弁集

老人星見

詳名姓部臧愚

風

大風吹塵

黃帝夢大風吹天下之塵垢皆去寤而歎曰風爲號令執政者垢去土解天下豈有姓風名后者哉求之得風后於海隅登以爲相

世說

曲巷勒迴風

劉珙少謁夢於大乾神廟夢金牌上有曲巷勒迴風五字覺而志之迨登第除諸王教授一夕上幸宮邸問諸王課荅以屬對時月照牕隙上曰可對斜牕初明月諸主方思索珙以曲巷勒迴風對上謂語有神助

雲

行雲

楚王嘗遊高唐怠而晝寢夢見一婦人曰妾巫山之女也
為高唐之客聞君遊高唐願薦枕席王因幸之去而辭曰
妾在巫山之陽高丘之岵旦為行雲暮為行雨朝朝暮暮
陽臺之下旦朝視之如言故為立廟號曰朝雲

文選

玄雲日月纏其形

後聖君之母先夢玄雲日月纏其形乃感而孕焉

九玄紀

雲化為鳳集左肩

徐陵字孝穆母臧氏嘗夢五色雲化而為鳳集左肩上已
而誕陵焉時有寶誌上人者世稱其有道人携陵候之

陵時數歲實誌手摩其頂曰天上石麒麟也陵後位光祿大夫太子太傅卒爲名臣云

黑雲從西北

魏僕射元順夢黑雲一段從西北直來觸東南日月俱破衆星皆翳天地盡闇俄而雲散日出自西南隅甚明云是長樂王日尋見莊帝從閭闔門入登太極殿唱萬歲者三百官咸加朝服謁帝唯順集書省步廊西槐樹下脫衣冠臥既寤告元暉業曰吾昨夜殊自不佳旣述此夢因解之曰黑雲氣之惡者是北方之色終當有北敵亂京師害二宮殘毀百寮何者日君象也月后象也衆星百官象也以

此言之京邑且有禍乎雖然彭城王勰有文德於天下今夢其兒為天子積德之報始有然矣但恨其得之不久所以然者出自西南以時易年不過三載且我不及見之蓋我臥槐樹下槐字木傍有鬼也復解冠冕非死兆乎庶亡後可得三公贈耳後一如其所解云

北史

慶雲覆身

張鷟初舉進士至懷州夢慶雲覆其身其年對策第一

吞五色雲

張迥苦吟夢吞五色雲遂精雅道

一兒乘紫雲

文天祥大父夢一兒乘紫雲而下已而復上行生天祥初命名雲孫字天祥後以字行字履善及廷試第一理宗見其名曰天之祥乃宋之瑞也字之曰宋瑞

吉安贛州志

赤氣雲中下

詳走獸部武帝

雷電風雷雨電

竇泰之母夢風雷暴起若有雨狀出庭觀之見電光奪目駛雨霑灑而驚汗遂有娠替而不產大懼有巫曰渡河滿裙產子必易毋便向水所忽見一人曰當生貴子可從而南毋從之俄而生泰泰後以功累遷侍中京畿大都督終

于御史中尉北齊史

雷電光燭身

宗澤母劉夢天大雷電光燭其身翌日而澤生後爲南宋名將之冠宋史

雷斧之下

紹興間顧德僖妻張氏夢神告以宿世爲惡明日當死雷斧之下張驚寤猶聞殷殷雷聲因自分必死念姑老當驚恐乃更衣出立門外桑下待之俄聞空中有聲上帝知汝孝念已赦汝矣自此益爲善以眉壽終夢譚

雷電隨龍東北去

詳鱗介部宋太祖

虹

虹流華渚

黃帝時有大星如虹下流華渚女節夢接之意感生少昊
帝紀

雙虹升天

李特妻羅氏夢雙虹自門升天一虹中斷後生蕩及雄常
言吾二子若有先亡其存者必大貴及蕩與羅尚戰馳馬
追擊角牛倚矛被傷死雄後爲成都王僭卽帝位

史

雨
雨候甚近

安德裕知廣濟軍是歲亢旱因禱于髯山神祠方炷香神

自幃中冉冉而出古服我冠拱揖而前立德裕以爲至誠
所感殊不爲懼遂訴愆亢之災荅曰某堆阜之神也叨鄉
人之薦媿無酬荅恨力小地卑不能興致雲雨雖云龍司
其職動息由天某當爲公至主者之所密候雨信先期奉
報言訖而隱德裕是夕夢神曰雨候甚近只在來早及期
大澍

和山野銀

地理部

地 賜茅土王翼軫之地

吳孫堅母懷妊夢一童女負之繞吳閭門三匝天授以芳
茅一莖童女語云此善祥也必生才雄之子今賜母此茅

土王於翼軫之地鼎足於天下不出二百年語畢而覺及
旦筮之卜人曰童女太白之精也

王子年拾遺記

青氣自地屬天

文帝問周宣曰我昨夜夢青氣自地屬天何也宣對曰當
有貴女子宛死是時帝已遣使賜甄后璽書聞宣言而悔
之遣人追使者不及矣

魏史

中原牧守以地來降

梁武帝嘗夜夢中原牧守以地來降曰吾爲人少夢昨夜
感此良足慰懷及候景歸附帝欣然自悅乃議納之

梁書

氏謂夢固非一端武帝之夢想所生也且正月丙午高歡
卒而景以辛亥降西魏乙卯距辛亥纔四日耳豈暇定南

歸之計乎丁和之言蓋問夢而發不然亦朱异告之與

堆傍地悉耕熟

詳品物部爾朱兆

國華胥國

黃帝卽位十有五年喜天下戴已養正命娛耳目供鼻口
焦然肌色肝黧昏然五情爽惑又十有五年憂天下之不
治竭聰明進智力營百姓焦然肌色肝黧昏然五情爽惑
黃帝乃喟然歎曰朕之過淫矣養一己其患如此治萬物
其患如此於是放萬機舍宮寢去直侍徹鐘懸減廚膳退
而間居大庭之館齊心服形三月不親政事晝寢而夢遊

於華胥氏之國華胥氏之國在弇州之西台州之北不知
斯齊國幾千萬里蓋非舟車足力之所及神游而已其國
無帥長自然而已其民無嗜欲自然而已不知樂生不知
惡死故無天殤不知親已不知疎物故無愛憎不知背逆
不知向順故無利害都無所愛惜都無所畏忌入水不溺
入火不熱斫撻無傷痛指撻無瘡癢乘空如履實寢虛若
處牀雲霧不礙其視雷霆不亂其聽美惡不滑其心山谷
不躓其步神行而已黃帝既寤悟然自得召天老力牧太
山稽告之曰朕間居三月齋心服形思何以養身治物之
道弗獲其術疲而睡所夢若此今知至道不可以情求矣

朕知之矣朕得之矣而不能以告若矣又二十有九年天下大治幾若華胥氏之國而帝登遐

列子

大福德人當入國

龜茲國王夢神告曰有大福德人明當入國汝應供養明日勅外司有異人入境必馳奏聞俄而曇摩密多畢至王郊迎請入宮稟戒居數載密有去心神又降夢曰福德人捨王去矣王驚覺固留莫能止

神僧傳

歸故國

南唐李後主歸宋後夢歸故國與嬪妾相歡既寤作浪淘沙一詞云簾外雨潺潺春意闌珊羅衾不耐五更寒夢裏

不知身是客一餉貪歡獨自莫凭闌無限江山別時容易
見時難流水落花春去也天上人間未幾下世

西清詩話

田 周文王之田

齊世祖曠少夢人指其所踐地曰周文王之田

土 丸土而服

劉敬宣於父牢之死後奔鮮卑慕容德夢丸土服之既覺
喜曰丸者桓也桓玄既吞吾復本土乎及宋主平京口召
見拜輔國將軍晉陵太守襲封武岡縣男

宋史

吞土

梁簡文帝爲侯景所幽謂舍人殷不害曰吾昨夢吞土試

思之不害曰昔重耳餽塊卒返晉國陛下所夢將符是乎
帝曰儻幽冥有徵與斯言不妄無何王偉與彭雋王脩纂
進觴於帝帝知將見殺乃盡酣而寢偉出雋進土囊王脩
纂坐口上上乃崩

梁書

三人頭有血以上傳之

高皇嘗夢三人頭有血以上傳之以爲不祥欲刑人以應
之劉誠意基適入見高皇語之夢基曰是衆字頭上有
血以上傳之得土得衆之象也應在得夢時三日當有報
至高皇乃留所欲刑人至三日後海寧以城降報至
高皇大喜悉以所留人命基縱之

明興雜記

山
上山捧日

程昱少時嘗夢上泰山兩手捧日昱私異之以語荀彧及
兖州反賴昱得完三城於是彧以昱夢白太祖太祖曰卿
當終爲吾腹心昱本名立太祖乃以日加其上更名曰昱
魏志

山上流泉

鄧艾當伐蜀夢坐山上而有流水以問殄虜護軍邵綏綏
曰按易卦山上有水曰蹇蹇繇曰蹇利西南不利東北孔
子曰蹇利西南往有功也不利東北其道窮也往必克蜀
殆不還乎艾撫然不樂及成功後爲鍾會等所白以檻車

微竟為田續所害

魏志按易辭襄利西南往得中也利見
人人往有功也續志不同似亦斷章取

耳義

高山上一深院

齊明帝篡位范雲深為明帝所知除正員外郎時高武王
侯並懼大禍雲因帝召次曰昔太宰文宣王語臣言嘗夢
在一高山上上有一深院見文惠太子先墜次武帝次文
宣望見僕射在室坐御牀備王者羽儀不知此是何兆卿
慎勿向人道明帝流涕曰文宣此惠亦難負於是處昭胃
兄弟異於餘宗室文惠太子長懋文宣王子良皆武帝子
也

北史

走馬上山

敦煌郡主簿張宅夢走馬上山還繞舍三周但見松栢不知門處索統曰馬屬離離爲火火禍也人上山爲凶字但見松栢墓門象也不知門處爲無門也三周三基也後三年必有大禍宅果以謀反伏誅

登山欲墮推捧而升

陳文帝嘗夢騎馬登山路危欲墮陳子高推捧而升文帝之討張彪也已據有州城彪夜襲城帝自北門出閭中倉卒軍人擾亂不知帝所在子高自亂兵中往反慰勞散兵稍集因導帝入周文育營明日彪遂降似夢驗云

陳書
子高

高以安事帝而捧升之夢與鄧
通推漢文上天夢亦略相似焉

上高山捧脚扶肘

隋文帝夢欲上高山而不能得崔彭捧脚李盛扶肘乃得
上帝因謂彭曰死生當與爾俱旦語王劭劭曰此夢大吉
上高山者明高宗大安永如山也彭猶彭祖李猶李老二
人扶持寔爲長壽之徵帝喜其年帝崩未幾崔彭亦卒蓋
上山者將入山葬也可見劭之詭對一皆佞辭不足憑云

隋書

山上相喚

釋智顗夢巖崖萬重雲日半垂其側滄海無畔泓澄在其

下又見一僧搖手伸臂至于岐麓挽顙上山顙以夢中所
見告其徒咸曰此乃會稽天台山也先有濟州僧定光久
居此山顙未至二年預告山民曰有大善知識當來相就
及顙到光曰憶吾早年山上搖手相喚否顙驚異焉

夢太白西峰

常凡詩

夢寐昇九崖杳霭逢元君貴我太白岑寥寥辭垢氛結宇
在星漢安林閉氛氲簷楹覆餘翠巾舄生片雲時在溪谷
間孤亭晝仍曛松風引天影石瀨青霞文括目緩舟趣霖
心投鳥群春風又搖擢潭島花紛紛

唐文粹詩意本
紀夢故錄之

夢遊天姥吟

留別

海客談瀛洲烟濤微茫信難求越人語天姥雲霓明滅或
可覩天姥連天向天橫勢拔五嶽掩赤城天台四萬八千
丈對此欲倒東南傾我欲因之夢吳越一夜飛度鏡湖月
湖月照我影送我至剡溪謝公宿處今尚在淥水蕩漾清
猿啼脚着謝公屐身登青雲梯半壁見海日空中聞天雞
千巖萬轉路不定迷花倚石忽已暝熊咆龍吟殷巖泉慄
深林兮驚層巖雲青青兮欲雨水澹澹兮生烟列缺霹靂
丘巒崩摧洞天石扇訇然中開冥浩莽不見底日月照
耀金銀臺霓爲衣兮風爲馬雲之君兮紛紛而來下虎鼓
瑟兮鸞回車仙之人兮列如麻忽魂悸以魄動恍驚起而

長嗟惟覺時之枕席失向來之烟霞世間行樂亦如此古
來萬事東流水別君去時何時還且放白鹿青崖間須行
卽騎訪名山安能摧眉折腰事權貴使我不得開心顏

白集詩雖托興
亦似實有是夢

西嶽有皇帝壇

唐代宗嘗晝寢夢一人謂曰西嶽泰華山中有皇帝壇何
不遣人求訪封而祀之當受大福卽日詔遣御史韋君馳
驛詣山尋訪旣至遇一老父自言姓韋考其世代乃御史
高祖因引御史至家見其祖母祖姑遂得壇處及下山還
京具以事奏仍遣齋手詔禮邀老父則失所在矣

異聞集

陟高山巔

楊炎未仕時嘗夢陟高山之巔下瞰人境杳不可辨仰而視之見瑞日在咫尺紅光赫然洞照萬里炎因舉左右手以捧之如熱久而方寤視其手尚汗炎異之因語於人有解者曰夫日者人君像也今夢登山以捧日將非登相位而輔人君乎其後果歷清貫遂登相位叶其祥云

宣室志

入山求富

王延政爲建州節度延平村人夜夢人告之曰與汝富旦入山求之明日入山終無所得爾夕復夢如前村人曰旦已入山無所得也其人曰但求之何故不得於是明日復

入向暮息大樹下見方丈之地獨明淨試掘之得赤土如丹既無他物則負之歸以飾牆壁煥然可愛人聞者競以善價求市延政聞之取以飾其宮室署其人以牙門之職

太平廣記

小山流泉

高皇將命藍玉等北征嘗夢殿西北隅有小山流泉直下至御足所履而止及大軍追虜進次游魂南道無水軍士渴甚至一小山下忽聞有聲如礮使人視之則四泉湧出土馬就飲得不困乏餘流溢出如溪適符所夢

明興雜記

老人自驪山下

呂少宗伯柝年十四應試臨潼貧不能僦館宿新豐空舍
夢老人自驪山下謂曰爾勉學當大魁天下後果中高第
云

志文

山上挂絲

詳純綺部薛琚

蘇嶺山神

詳走獸部襄陽蘇嶺山

石

石是浮磬之精

高琳之母嘗襖襖泗濱遇見一石光彩朗潤遂持以歸夜
夢人衣冠有若仙者謂曰夫人向所將來石是浮磬之精

若能寶持必生令子毋驚寤舉身流汗俄而有娠及生因
名以琳字之曰季珉後爲周名將爵捷爲郡公進位柱國
北史

昇騰立石上

詳棟宇部鄭僑

路半路卽迷

六國時張敏與高惠爲友每相思不能得敏便於夢往尋
但行至半路卽迷不知路

橋清水橋

詳文翰部儒生

水

滄水使者

禹夢繡衣男子稱滄水使者於是得知水脉

流水越宮堂

吳王興九郡之兵將與齊戰道出胥門因過姑胥之臺忽
晝假寐而得夢乃命大宰嚭告曰寡人夢入章明宮見兩
鑪蒸而不炊兩黑犬嗥以南嗥以北兩鑊殖宮牆流水湯
湯越吾宮堂後房鼓震篋篋有鍛工前園橫生梧桐子為
寡人占之嚭曰美哉王之興師伐齊也臣聞章者德鏘鏘
也明者破敵聲聞功朗明也兩鑪蒸而不炊者大王聖德
氣有餘也兩黑犬嗥以南嗥以北者四夷已服朝諸侯也

兩鍬殖宮牆者農夫就成田夫耕也湯湯越宮堂者鄰國
貢獻財有餘也後房篋篋鼓震有鍛工者宮女悅樂琴瑟
和也橫生梧桐樂府鼓聲也吳王大悅而其心不已召公
孫聖問之聖曰臣不言身名全言之必死於王前然忠臣
不顧其軀乃仰天嘆曰臣聞好船者必溺好戰者必亡臣
好直言不顧命願王圖之臣聞章者戰不勝敗走倥偬也
明者去昭昭就冥冥也入門見鏹蒸而不炊者大王不得
火食也兩黑犬嗥以南嗥以北者黑者陰也北者匿也兩
鍬殖宮牆者越軍入吳國伐宗廟掘社稷也流水湯湯越
宮堂者宮空虛也後房鼓震篋篋者坐太息也前園橫生

梧桐者梧桐心空不爲用器但爲用當與死人俱葬也願
大王按兵修德無伐齊則可銷也遣下吏太宰嚭王孫駱
解冠幘肉袒徒跣稽首謝於勾踐國可安存身可不死也
吳王聞之怒顧力士石沓以鐵鎚擊殺之後越伐吳吳國
困不戰吳王遁去晝馳夜走三日三夕入秦餘杭山胸中
愁憂目視茫茫行步猖狂腹餒口饑顧得生稻而食之伏
地而飲水顧左右曰此何名也對曰此生稻也吳王曰是
公孫聖所言不得火食走倥傯也

吳越春秋

井水溢流

大將軍霍光旣薨光子禹與母夫人顯及從昆弟子雲山

自見日侵削有邪謀顯夢第中井水溢流庭下竈居樹上
又夢大將軍謂顯曰知捕兒否亟下捕之禹夢車騎聲正
謹來捕禹舉家憂愁卒與禍會

史記

· 水有岸為洲

晉殷仲堪見流棺葬焉旬日門前溝忽起為岸其夕夢人
自稱徐伯玄云感君之惠無以報也水有岸為洲君將為
州矣後果臨荊州

晉書

水邊女子猛獸

鄧殷夢行水邊見一女子猛獸自後斷其盤囊占者以為
水邊有女汝字也斷盤囊者新獸頭斷故獸頭也不作汝

陰必作汝南果遷汝陰太守

晉史

縮水脉

後魏孝莊帝既誅爾朱榮榮子兆自汾州率騎攻洛師自河梁西涉掩襲京邑先是河邊有一人夢神謂曰爾朱家欲渡河用爾作波津今當爲縮水脉及兆至見一人自言知水深淺處以草表插導忽失所在兆衆遂涉焉尋而陷京弒莊帝

北史

慧眼水

梁江綰幼有孝性年十三父舊患眼綰侍疾將暮月衣不解帶夜夢一僧云患眼者飲慧眼水必差及覺說之莫有

能解者杯叔祿與草堂寺智者法師善往訪之智者曰無
量壽經云慧眼見真能渡彼岸情乃因智者啓拾同夏縣
界牛屯里舍爲寺乞賜嘉名勅荅云純臣孝子往往感應
晉世顏含遂見冥中送藥近見智者知鄉第二息感夢云
慧眼水慧眼則是五眼之一若欲造寺可以慧眼爲名及
就創造泄故井井水清冽異於常泉依夢取水洗眼及煮
藥眼患遂差

洪水沒都

隋高祖夢洪水沒都意惡之故遷都大興會有方士言李
氏當爲天子勸帝盡誅海內姓李者渾從子將作監敏小

名洪兒帝疑其名應識嘗面告之與其引決虎將裴仁基告渾反帝收渾敏及宗族三十二人殺之不知洪水乃唐高祖諱淵也

隋書

我亦避水至此

新安閭居敬所居爲山水所浸恐屋壞移榻於戶外而寢夢一烏衣人曰君避水在此我亦避水至此於君何害而迫迨我如是不快甚矣居敬寤不測其故曰豈吾不當止此耶因命移牀乃牀脚斜壓一龜放之卽去

稽神錄

西隅草色光澤處有泉

興化留居道者累鑿井不得泉夜夢神人指示曰西隅草

色光澤處有泉覺而鑿之果得泉因名留公井

八閩志

入河飲水

侯弘實幼貧嘗寢於簷下天將雨其母見虹自河飲水俄貫於弘實之口及覺母問有夢否弘實曰適夢入河飲水飽足而歸母聞之默喜後弘實果自行伍至將領遷一州二鎮皆近大江云

河中無水

宋主寢疾夢至河邊河中無水以爲枯涸之象自疑不祥以問宰輔有爲解之者曰陛下無慮病減矣夫河邊無水可字也已而病果漸瘥

卷之二
三十九
墮水半身濕

東城王尉二子邦城應駢入試學院其師顧文學內子夢
二生來因墮水半身濕既寤向顧言之顧曰水邊着半泮
字也二生其遊浮乎已而果然

濟洹之水

詳珍寶部公孫嬰齊

着朱衣行水上

詳帷服部鮑泉

馬停水中日在水下

詳走獸部苻融

江中沙石爲篆籀文

詳文翰部王仁裕

淵

何故敗我濯龍淵

汝南舊有鴻都陂成帝時丞相翟方進奏毀敗之尋而自
夢上天天帝怒曰何故敗我濯龍淵是後民失其利多致
饑困

漢書

海

泛海至一山

劉穆之初夢與宋高祖裕俱泛海忽值大風驚懼俯視船
下見有一白龍夾舫既而至一山峯崿縱秀林樹繁密意
其悅之後竟爲裕佐命元勳云

宋書

地理

海上坐玉盆

齊後主高緯母胡氏夢於海上坐玉盆日入裙下遂有娠
五月五日生緯於并州邸

北史

南處海濱

成祖嘗夢一神人言南處海濱來輔家國明日禮官言閩
中靈濟二真君事遂遣使回香請神像於宮城西南作官
祀之記文稱二神皆南唐義祖之子一名知證一名知謬

并州四部稿

龍浴於海

詳解介部婁太后

沙
行塞下沙

高太史啓夢行塞下沙詩云夢行塞下沙無水無葦段牧
羊人歸霜草短平地鴈群棲不暖騎馬茫茫入遠烟一行
衝起上秋天我夢驚回鴈飛去角聲吹斷江城曙

冰

冰下人語

孝廉令狐策夢立冰上與冰下人語問索統統曰冰上爲
陽冰下爲陰陰陽事也上如歸妻迫冰未泮婚姻事也君
在冰上與冰下人語爲陽語陰媒介事也君當爲人作媒
冰泮而婚成策曰老夫耄矣不爲媒也會太守田豹因策
爲子求鄉人張公徵女仲春而成婚焉

晉書

聖賢部

伏羲文王周公

呂蒙入吳王勸令學乃博覽群籍以易爲宗常在孫策坐
酣醉忽於眠中誦易一部俄而驚起衆人問之蒙云向夢
見伏羲文王周公與我言論世祚興亡之事日月廣明之
道莫不窮精極妙未該玄言政空誦其文耳坐上皆知蒙
嚙誦文也

王平年拾遺記

舜坐堂上

詳音樂部楊忠愍繼盛

成湯伊尹

齊景公伐宋過泰山夢見二人怒公恐謂泰山之神晏子以宋祖成湯相伊尹為言且云其狀湯背脊多髯鬚伊尹黑而短公知即所夢也不聽進軍軍殺公恐乃不伐宋

物異志

伯夷之弟

漢靈帝光和元年遼西太守黃蠡上書海邊有流屍露冠絳衣體貌完全翻感夢云我伯夷之弟孤竹君子也海水壞吾棺槨求見掩藏民嗤視之皆無病而死蠡乃為改葬云

博物志

周公

孔子夢見周公

周公祖道

楚子成章華之臺願與諸侯落之太宰遠啓疆曰臣能得魯侯遠啓疆來召公魯昭公也公將往夢襄公祖梓慎曰君不果行襄公之適楚也夢周公祖而行今襄公實祖其不行子服惠伯曰行先君未嘗適楚故周公祖以道之襄公適楚矣而祖以道君不行何之三月公如楚左傳

周公

諸葛武侯出師至蔡山夢見周公故名其山爲周公山因立文憲廟於其上志

孔子告之曰起

鄭玄以明經徵為大司農給安車一乘所過長吏送迎玄乃以病乞還家五年春夢孔子告之曰起起今年歲在辰來年歲在巳既寤以讖合之知命當終有頃寢疾卒劉晔高才不遇傳論玄曰辰為龍巳為蛇歲至龍蛇賢人嗟玄以讖合之蓋謂此也

隨孔子南行

劉勰齒在踰立夜夢執丹漆之禮器隨仲尼而南行旦而寤怡然而喜曰大哉聖人之難見廼小子之垂夢歟乃作文心雕龍五十篇論古今文體梁書

吾則仲尼

黔南軍校姓寒者性鯁直所居鄰孔廟家每食必先薦之
如是累年咸通二年蠻寇侵境廉使閱兵擇將未獲者忽
夢一人冠服若王者謂曰吾則仲尼也魏君每傾心於吾
吾當助君君當更名宗儒自此富貴矣既覺喜而更名請
行方擇將時人盡畏避忽聞宗儒請行即遣之一戰而大
破蠻寇餘孽皆遁黔帥表上其功授朗州刺史秩滿詣京
師累遷司農卿

南楚新聞

三閭大夫

夏侍郎原吉母廖氏夢三閭大夫降是生侍郎

夢占類考卷一